

魏晉南北朝農民

戰爭史料彙編



張澤咸 朱大渭編

魏晉南北朝農民戰爭史料彙編

下冊

中華書局

第六卷 北朝時期

甲 北魏

(一)

二九六、平原徐超(皇始二年)(三九七)

魏書卷二頁二九太祖紀

(皇始二年)二月，……平原徐超聚衆反於畔城，詔將軍奚辱捕斬之。

二九七、河北民(天興元年)(三九八)

魏書卷二頁三二太祖紀

天興元年春正月，……徙山東六州民吏及徒河、高麗雜夷三十六萬，百工伎巧十萬餘口，以充京

師。……博陵、勃海、章武羣盜並起，略陽公元遵等討平之。

按：北史卷一魏太祖紀文同。

北史卷一五頁五六六元遵傳

及平中山，拜尚書左僕射，加侍中，鎮勃海之合口。及博陵、勃海羣盜起，遵討平之，遷州牧，封常山王。

按：魏書卷一五元遵傳闕佚，後人以北史文補，故錄北史。

魏書卷二〇頁六九七奚斤傳

皇始初，從征中原，以斤爲征東長史，拜越騎校尉，典宿衛禁旅。車駕還京師，博陵、勃海、章武諸郡，羣盜並起，所在屯聚，拒害長吏。斤與略陽公元遵等率山東諸軍討平之。

按：北史卷二〇奚斤傳文同。

資治通鑑卷一一〇頁三四六三晉安帝紀

（隆安二年正月）博陵、勃海、章武羣盜並起，略陽公遵等討平之。

二九八、趙郡趙准（天興二年）（三九九）

魏書卷二頁三五太祖紀

（天興）二年……三月……中山太守仇儒亡匿趙郡，推羣盜趙准爲主，號使持節、征西大將軍、冀青二州牧、鉅鹿公，仇儒爲准長史，聚黨扇惑。詔中領軍長孫肥討平之。

魏書卷二六頁六五二長孫肥傳

中山平，……中山太守仇儒不樂內徙，亡匿趙郡，推羣盜趙准爲主。妄造妖言云：「燕東傾，趙當續，欲知其名，淮水不足。」淮喜而從之，自號使持節、征西大將軍、青冀二州牧、鉅鹿公，儒爲長史，聚黨二千餘人，據關城，連引丁零，殺害長吏，扇動常山、鉅鹿、廣平諸郡。遣肥率三千騎討之，破淮於九門，斬仇儒，生擒淮。詔以儒肉食，淮傳送京師，輶之於市，夷其族。

二九九、沙門張翹（天興五年）（四〇二）

魏書卷二頁三九太祖紀

（天興五年）二月，……沙門張翹自號無上王，與丁零鮮于次保聚黨常山之行唐。

夏四月，太守樓伏連討斬之。

魏書卷三〇頁七一七樓伏連傳

太祖初，從破賀蘭部，又從平中山，爲太守，斬逆賊張翹。

三〇〇、上黨民（天興五年）（四〇二）

魏書卷二頁四〇太祖紀

（天興五年）十有一月，車駕次晉陽。……遣左將軍莫題討上黨羣盜秦頗、丁零翟都於壺關。丁丑，上黨太守捕頗，斬之，都走林慮。

魏書卷二八頁六八三莫題傳

車駕征姚興，次於晉陽，而上黨羣盜秦頗、丁零翟都等聚衆於壺關，詔題帥衆三千以討之。上黨太守捕頗，斬之。都走林慮。詔題搜山窮討，盡平之。

三〇一、平陽黃苗（永興二年）（四一〇）

魏書卷三頁五〇太宗紀

（永興）二年春正月，……平陽民黃苗等，依汾自固，受姚興官號。并州刺史元六頭討平之。

三〇二、章武劉牙（永興二年）（四一〇）

魏書卷三頁五〇太宗紀

（永興二年）八月，章武民劉牙聚衆反，山陽侯奚斤討平之。

魏書卷二九頁六九八奚斤傳

太宗卽位，爲鄭兵將軍，循行州郡，問民疾苦。章武民劉牙聚黨爲亂，斤討平之。

三〇三、上黨勞聰（永興五年）（四一三）

魏書卷三頁五三太宗紀

（永興五年）夏四月，……乙巳，上黨民勞聰、士獠羣聚爲盜，殺太守令長，相率外奔。

按：魏書卷一〇五之二天象志文字全同。

魏書卷一〇五之三頁二三九五天象志

（永興）五年四月，上黨羣盜外叛。

三〇四、濩澤劉逸（永興五年）（四一三）

魏書卷三頁五三太宗紀

（永興五年）六月，……濩澤劉逸自號征東將軍、三巴王，王紹爲署置官屬，攻逼建興郡。元屈等討平之。

魏書卷一〇五之二頁二三五一天象志

（永興）五年六月，濩澤民劉逸，自號征東將軍、三巴王，署置官屬，攻逼建興郡，元城侯元屈等討平之。

魏書卷一〇五之三頁二三九五天象志

永興五年……六月，濩澤人劉逸自稱三巴王。

三〇五、河西胡白亞栗斯（神瑞元年）（四一四）

魏書卷三頁五四太宗紀

神瑞元年……十二月……河內人司馬順宰自號晉王。太守討捕不獲。

二年……三月……河西飢胡屯聚上黨，推白亞栗斯爲盟主，號大將軍，反於上黨，自號單于，稱建平元年，以司馬順宰爲之謀主。

夏四月，詔將軍公孫表等五將討之。……衆廢栗斯而立劉虎，號率善王。

泰常元年……九月戊午，前并州刺史叔孫建等大破山胡。劉虎渡河東走，至陳留，爲從人所殺，司馬順宰等皆死。

魏書卷二四頁六二二崔玄伯傳

神瑞初，詔玄伯與南平公嵩等坐止車門右，聽理萬機事。并州胡數萬家南掠河內，遣將軍公孫表等率師討之，敗績。太宗問羣臣曰：「胡寇縱暴，人衆不少，表等已不能制。若不早誅，則良民大受其禍。今既盛秋，不可爲此小盜，而復興衆以廢民業。將若之何？」玄伯對曰：「表等諸軍，不爲不足，但失於處分，故使小盜假息耳。胡衆雖盛，而無猛健主將，所謂千奴共一膽也。宜得大將軍爲胡所服信者，將數百騎，就攝表軍以討之，賊聞之，必望風震怖。壽光侯建，前在并州，號爲威猛，胡醜所服，諸將莫及。」太宗從之，遂平胡寇。

按：北史卷二一崔宏傳文同。

魏書卷二九頁七〇三叔孫建傳

太宗卽位，……以建爲正直將軍，相州刺史。飢胡劉虎等聚黨反叛，公孫表等爲虎所敗。太宗假建前號安平公，督表等以討虎，斬首萬餘級。餘衆奔走，投沁而死，水爲不流，虜其衆十萬餘口。

按：北史卷二〇叔孫建傳文較略。

魏書卷三〇頁七一九丘堆傳

太宗卽位，拾遺左右，稍遷散騎常侍。與叔孫建等討滅山胡。

魏書卷三三頁七八二公孫表傳

河西飢胡劉虎聚結流民，反於上黨，南寇河內。詔表討虎，又令表與姚興洛陽戍將結期，使備河南岸，然後進軍討之。時胡內自疑阻，更相殺害，表以其有解散之勢，遂不與戍將相聞，率衆討之。法令不整，爲胡所敗，軍人大被傷殺。太宗深銜之。

按：北史卷二七公孫表傳文略。

魏書卷一〇五之二頁二三五二天象志

神瑞二年三月，河西飢胡屯聚上黨，推白亞栗斯爲盟主，號大單于，稱建平元年。四月，詔將軍公孫表等五將討之。

按：魏書卷三〇周幾傳：「神瑞中，并州飢民遊食山東，詔幾領衆鎮博陵之魯口以安集之。」可供參考。

魏書卷一〇五之三頁二三九七天象志

（神瑞）二年，上黨胡反，詔五將討平之。

魏書卷一二二上頁二八九九靈徵志

（神瑞二年）三月，河西飢胡反，屯聚上黨，推白亞栗斯爲盟主。

資治通鑑卷一一六頁三六七二晉安帝紀

（義熙十年十二月，）河內人司馬順宰自稱晉王，魏人討之，不克。

資治通鑑卷一二七頁三六七七、三六九〇晉安帝紀

（義熙十一年三月，）河西飢胡相聚於上黨，推胡人白亞栗斯爲單于，改元建平。以司馬順宰爲謀主，寇魏河內。夏四月，魏主嗣命公孫表等五將討之。

（十二年八月，）初，魏主嗣使公孫表討白亞栗斯，曰：「必先與秦洛陽戍將相聞，使備河南岸，然後擊之。」表未至，胡人廢白亞栗斯，更立劉虎爲率善王。表以胡人內自攜貳，勢必敗散。遂不告秦將而擊之，大爲虎所敗，士卒死傷甚衆。

嗣謀於羣臣曰：「胡叛踰年，討之不克，其衆繁多，爲患日深。今盛秋不可復發兵，妨民農務，將若之何？」白馬侯崔宏曰：「胡衆雖多，無健將御之，終不能成大患。表等諸軍，不爲不足，但法令不整，處分失宜，以致敗耳。得大將素有威望者將數百騎往攝表軍，無不克矣。相州刺史叔孫建前在并州，爲胡、魏所畏服，諸將莫及，可遣也。」嗣從之，以建爲中領軍，督表等討虎。九月戊午，大破之，斬首萬餘級，虎及司馬順宰皆死，俘其衆十萬餘口。

三〇六、常山霍季（泰常元年）（四一六）

魏書卷三頁五六太宗紀

泰常元年……三月……常山民霍季，自言名載圖讖，持一黑石以爲天賜玉印，誑惑聚黨，入山爲盜。州郡捕斬之。

按：魏書卷一〇五之二天象志文全同。

魏書卷一〇五之三頁二三九七天象志

（泰常）二年……常山霍季聚衆反，伏誅。

三〇七、常山司馬順之（泰常二年）（四一七）

魏書卷三頁五七太宗紀

（泰常二年）七月……司馬順之入常山，流言惑衆，稱受天帝命，年二十五應爲人君，遂聚黨於封龍山。趙郡大盜趙德執送京師，斬之。

三〇八、白澗、行唐民（泰常初）

魏書卷三〇頁七二六周幾傳

泰常初，白澗、行唐民數千家負嶮不供輸稅，幾與安康子長孫道生宣示禍福，逃民遂還。

三〇九、濟東司馬秀之等（泰常七年）（四二二）

魏書卷三頁六二太宗紀

泰常七年……十有二月，遣壽光侯叔孫建等率衆自平原東渡，徇下青、兗諸郡，劉義符兗州刺史徐琰聞渡河，棄守走。叔孫建遂東入青州。司馬愛之，秀之先聚黨濟東，皆率衆來降。

魏書卷二九頁七〇四叔孫建傳

除使持節、都督前鋒諸軍事、楚兵將軍、徐州刺史，率衆自平原濟河，徇下青兗諸郡。建濟河，劉裕兗州刺史徐琰奔彭城，建遂東入青州。司馬受之，秀之先聚黨於濟東，皆率衆降。建入臨淄。

三二〇、高平民（明元帝時）（四〇九——一二三）

魏書卷三〇頁七二〇娥清傳

太宗南巡幸鄴，以清爲中領軍將軍，與宋兵將軍周幾等渡河略地，至湖陸，高平民屯聚林藪，拒射官軍，清等因誅數千家，虜獲萬餘口。

三二一、弘農、河內、上黨民（神䴥元年？）（四二八？）

魏書卷三一頁七三六于栗磾傳

平統萬，遷蒲坂鎮將。時弘農、河內、上黨三郡賊起，栗磾討之。轉虎牢鎮大將，加督河內軍。

三一二、上黨李禹（神麀二年）（四二九）

魏書卷四上頁七四世祖紀

（神麀）二年……二月，上黨李禹聚衆殺太守，自稱無上王，署置將帥。河內守將擊破之。禹亡走入山，爲人執送，斬之。

三二三、長安民（神麀三年）（四三〇）

魏書卷三〇頁七一王健傳

關隴平，斤徙鎮長安，假節、鎮西將軍。斤遂驕矜，不順法度，信用左右，調役百姓，民不堪之，南奔漢川者數千家。……遂斬斤以徇。

資治通鑑卷一二二頁三八二六宋文帝紀

（元嘉七年十二月）關中悉入於魏。魏主留巴東公延普鎮安定，以鎮西將軍王斤鎮長安。……王斤驕矜不法，信用左右，調役百姓，民不堪命，南奔漢川者數千家。魏主案治得實，斬斤以徇。

三二四、盧水胡蓋吳（太平真君六年）（四四五）

魏書卷四下頁九九世祖紀

(太平真君六年)九月，盧水胡蓋吳聚衆反於杏城。

冬十月戊子，長安鎮副將元紇率衆討之，爲吳所殺。吳黨遂盛，民皆渡渭奔南山。於是詔發高平敕勒騎赴長安，詔將軍叔孫拔乘傳領攝井、秦、雍兵屯渭北。

十有一月……蓋吳遣其部落帥白廣平西掠新平，安定諸夷酋皆聚衆應之，殺汧城守將。吳遂進軍李閏堡，分兵掠臨晉巴東。將軍章直與戰，大敗之，兵溺死於河者三萬餘人。吳又遣兵西掠至長安，將軍叔孫拔與戰於渭北，大破之，斬首三萬餘級。

河東蜀薛永宗聚黨盜官馬數千匹，驅三千餘人入汾曲，西通蓋吳，受其位號。秦州刺史、金城公周鹿觀率衆討之，不克而還。庚午，詔殿中尚書、扶風公元處真、尚書、平陽公慕容嵩二萬騎討薛永宗；詔殿中尚書乙拔率五將三萬騎討蓋吳，西平公寇提三將一萬騎討吳黨白廣平。蓋吳自號天台王，署置百官……癸未，車駕西巡。

七年春正月戊辰，車駕次東雍州。庚午，圍薛永宗營壘。永宗出戰，大敗，六軍乘之，永宗衆潰。永宗男女無少長赴汾水死。辛未，車駕南幸汾陰。庚辰，帝臨戲水。蓋吳退走北地。

二月丙戌，幸長安，存問父老。丁亥，幸昆明池。丙申，幸盤屋，誅叛民耿青、孫溫二壘與蓋吳通謀者。軍次陳倉，誅散關氏害守將者。還幸雍城，田於岐山之陽。北道諸軍乙拔等大破蓋吳於杏城，吳

棄馬遁走。

三月，詔諸州坑沙門，毀諸佛像。徙長安城工巧二千家於京師。車駕旋軫，幸洛水，分軍誅李閏叛羌。

五月，……蓋吳復聚杏城，自號秦地王，假署山民，衆旅復振。於是遣永昌王仁、高涼王那督北道諸軍同討之。

六月甲申，發定、冀、相三州兵二萬人屯長安南山諸谷，以防越逸。

秋八月，蓋吳爲其下人所殺，傳首京師。永昌王仁平其遺燼。高涼王那破蓋吳黨白廣平，生擒屠各路那羅於安定，斬于京師。

按：北史卷二魏世祖紀文較略。

魏書卷二八頁六八二和跋傳

少子歸，從征赫連昌有功，拜統萬將軍。……後以罪徙配涼州爲民。蓋吳作亂於關中，復拜歸龍驤將軍往討之。還，拜使持節、冠軍將軍、雍城鎮都大將、高陽侯。

魏書卷三〇頁七二〇丘堆傳

子跋，爵淮陵侯，加安遠將軍。後征蓋吳，戰沒。

魏書卷三〇頁七二八周觀傳

出除平南將軍、秦州刺史，復爵金城公。撫馭失和，民薛永宗聚衆於汾曲以叛。觀討永宗，爲流矢所中。世祖幸蒲坂，觀聞帝至，驚怖而起，瘡重遂卒。世祖怒，絕其爵。

按：北史卷二五周觀傳文同。

魏書卷三三頁七七八屈道賜傳

善騎射，機辯有辭氣，世祖甚器之。從征蓋吳，遷尚書右僕射，加侍中。

按：魏書此卷據高氏小史補；北史卷二七屈道賜傳不記鎮壓蓋吳事。

魏書卷三五頁八二四崔浩傳

世祖西巡，詔浩與尚書、順陽公蘭延都督行臺中外諸軍事。世祖至東雍，親臨汾曲，觀叛賊薛永宗壘，進軍圍之。永宗出兵欲戰，世祖問浩曰：「今日可擊不？」浩曰：「永宗未知陛下自來，人心安閑，北風迅疾，宜急擊之，須臾必碎。若待明日，恐其見官軍盛大，必夜遁走。」世祖從之，永宗潰滅。

車駕濟河，前驅告賊在渭北，世祖至洛水橋，賊已夜遁。詔問浩曰：「蓋吳在長安北九十里。渭北地空，穀草不備。欲渡渭南西行，何如？」浩對曰：「蓋吳營去此六十里，賊魁所在。擊蛇之法，當須破頭，頭破則尾豈能復動？宜乘勢先擊吳。今軍往，一日便到。平吳之後，回向長安，亦一日而至。一日之內，未便損傷。愚謂宜從北道。若從南道，則蓋吳徐入北山，卒未可平。」世祖不從，乃渡渭南。吳聞世祖至，盡散入北山，果如浩言，軍無所克。世祖悔之。